

FAKULTET ISLAMSKIH NAUKA  
UNIVERZITETA U SARAJEVU



Komisija za pripremanje prijedloga za izbor u akademsko zvanje viši asistent za naučnu oblast  
Filologija Kur'ana/Kur'anski i hadiski arapski jezik, u sastavu:

**Dr. Amrudin Hajrić, redovni profesor (oblast Filologija Kur'ana/Kur'anski i hadiski arapski jezik), Fakultet islamskih nauka Univerziteta u Sarajevu, predsjednik**

**Dr. Zehra Alispahić, vanredni profesor (oblast Filologija Kur'ana/Kur'anski i hadiski arapski jezik), Fakultet islamskih nauka Univerziteta u Sarajevu, član**

**Dr. Amira Trnka-Uzunović, vanredni profesor (oblast Filologija Kur'ana/Kur'anski i hadiski arapski jezik), Fakultet islamskih nauka Univerziteta u Sarajevu, član**

VIJEĆU FAKULTETA ISLAMSKIH NAUKA  
UNIVERZITETA U SARAJEVU

**PREDMET:** Izvještaj Komisije za pripremanje prijedloga za izbor u akademsko zvanje viši asistent za naučnu oblast Filologija Kur'ana/Kur'anski i hadiski arapski jezik

Odlukom Vijeća Fakulteta islamskih nauka Univerziteta u Sarajevu br. 03-03-9. Redovna sjed. -961/23 od 04. 10. 2023. godine, imenovani smo u komisiju za pripremanje prijedloga za izbor u akademsko zvanje viši asistent za naučnu oblast Filologija Kur'ana/Kur'anski i hadiski arapski jezik po osnovu konkursa objavljenog 29. 08. 2023. god. u dnevnom listu „Oslobođenje“ i na web-stranicama Fakulteta islamskih nauka i Univerziteta u Sarajevu.

Kao komisija konstatujemo sljedeće:

- Na Konkurs se prijavio samo jedan (1) kandidat, **Vedad Hurić, MA**, asistent u naučnoj oblasti Filologija Kur'ana pri Katedri za filologiju Kur'ana na Fakultetu islamskih nauka u Sarajevu.
- Kandidat je Prijavu dostavio blagovremeno i u skladu sa objavljenim konkursom putem protokola Fakulteta islamskih nauka u Sarajevu br.: 07-2-844/23 od 07. 09. 2023. godine.



- Kandidat je uz svojeručno potpisanu Prijavu na konkurs, u kojoj je naznačio akademsko zvanje i oblast za koju se prijavljuje, priložio sljedeće dokumente:

**Diplome:**

- a) Diploma o završenom I ciklusu studija (ovjerena fotokopija diplome o završenom studiju na Odsjeku za orijentalnu filologiju, studijska grupa Arapski jezik i književnost, Filozofskog fakulteta Univerziteta u Sarajevu, uz stjecanje stručnog zvanja bakalaureat arapskog jezika i književnosti),
- b) Dodatak diplomi o završenom I ciklusu studija (ovjerena fotokopija od 31. 08. 2023.),
- c) Diploma o završenom II ciklusu studija (ovjerena fotokopija diplome o završenom II ciklusu studiju u trajanju od četiri semestra/dvije godine na Odsjeku za orijentalnu filologiju, studijska grupa Arapski jezik i književnost, Filozofskog fakulteta Univerziteta u Sarajevu, uz stjecanje zvanja magistar arapskog jezika i književnosti),
- d) Dodatak diplomi o završenom II ciklusu studija (ovjerena fotokopija od 31. 08. 2023.).

**Biografija (CV),**

**Bibliografija,**

**Izvod iz matične knjige rođenih (ovjerena fotokopija od 31. 08 2023.),**

**Uvjerenje o državljanstvu (ovjerena fotokopija od 31. 08 2023.),**

**Potvrda o provedenom izbornom periodu u zvanju asistent na Katedri za filologiju Kur'ana na Fakultetu islamskih nauka Univerziteta u Sarajevu,**

**Priznanje Srebrena značka Univerziteta u Sarajevu za uspjeh na I ciklusu studija Filozofskog fakulteta Univerziteta u Sarajevu (ovjerena fotokopija od 31. 08 2023.),**

**Kopije objavljenih radova,**

**Certifikati o završenim edukacijama.**

Biografiju i bibliografiju radova kandidat je dostavio i u elektronskoj formi na CD-u.

Nakon što smo stekli uvid u podnesene dokumente i bitne prateće podatke o kandidatu, mr. Vedadu Huriću, Vijeću Fakulteta podnosimo sljedeći:



## IZVJEŠTAJ

### Podaci iz biografije, toka školovanja i kretanja u karijeri

Vedad Hurić je rođen u Goraždu 14. 02. 1990. Nakon završene Gazi Husrev-begove medrese u Sarajevu dvije godine (2008-2010.) je pohađao pripremnu akademiju za arapski jezik na Fakultetu za islamsko misionarstvo u Tripoliju (Libija), a zatim se akademske 2010/2011. godine upisao na studij arapskog jezika pri istom fakultetu koji je prekinut 2011. godine zbog građanskog rata u Libiji (kandidat je priložio potvrdu Fakulteta islamske da'we koja to dokazuje). Po povratku u BiH, upisao se na Filozofski fakultet Univerziteta u Sarajevu, Odsjek za orijentalnu filologiju (arapski jezik i književnost), na kojem I ciklus studija završava 2014. godine s dodiplomskim radom na temu "Slobodna relativna rečenica u arapskom jeziku uvedena imeničkim relativnim zamjenicama", čime je stekao stručno zvanje *bakalaureat/bachelor arapskog jezika i književnosti*. Kao jednom od najboljih studenata I ciklusa studija na Filozofskom fakultetu dodijeljena mu je srebrna značka Univerziteta u Sarajevu. Iste godine (2014.) upisuje se na II ciklus studija koji završava 2018. godine s diplomskim radom na temu "Priloške oznake za vrijeme u modernom standardnom arapskom jeziku", čime je stekao zvanje *magistar arapskog jezika i književnosti*. Trenutno je doktorant na Doktorskom studiju iz lingvistike na Filozofskom fakultetu Univerziteta u Sarajevu (kandidat je priložio potvrdu Filozofskog fakulteta Univerziteta u Sarajevu kojom se potvrđuje da je kao redovan student Odsjeka za orijentalnu filologiju upisan na doktorski studij iz lingvistike).

Dvije godine (2011-2013.) je radio kao imam u džematu Sokolovići, Medžlis islamske zajednice Rudo, a od 2013. do 2020. godine bio je zaposlen kao referent za administrativno-tehničke poslove u Uredu vojnog muftije pri Ministarstvu odbrane BiH. U zvanje asistenta na Katedri za filologiju Kur'ana Fakulteta islamskih nauka u Sarajevu izabran je u martu 2020. godine.

Učestvovao je u radu značajnog broja domaćih i međunarodnih stručnih edukacija iz oblasti metodike, didaktike i andragogije u visokom obrazovanju, metodike nastave stranih jezika, dizajniranja univerzitetskih kurikuluma, umrežavanja i timskog rada, istraživanja, naučnog pisanja i publiciranja naučnoistraživačkih rezultata, itd.

Aktivno govori arapski jezik, a služi se engleskim jezikom.



## Bibliografija radova

### **Autorski radovi u indeksiranim časopisima:**

1. *Relativna rečenica u suri al-Nahl*, Zbornik radova FIN-a, br. 25, Sarajevo, 2021., str. 219-236. (EBSCO, CEEOL).
2. *Bibliografija radova prof. Mehmeda Kice* (u koautorstvu sa Zehrom Alispahić i Amirom Trnka-Uzunović), Zbornika radova FIN-a, br. 26, Sarajevo, 2022., str. 341-352. (EBSCO, CEEOL).

### **Prijevodi djela:**

1. Abdullah Muhammed er-Rešid, *Vojno vođenje i upravljanje u vrijeme poslanika Muhammeda*, Vojno muftijstvo i El-Kalem, Sarajevo 2019.

### **Prikazi knjiga:**

1. Amira Trnka-Uzunović, *Arapski veznici i njihova semantika u Kur'anu*, Fakultet islamskih nauka i El-Kalem, Biblioteka Monografije 20, Sarajevo, 2020., u: Prilozi za orijentalnu filologiju, vol 71, 2022., str. 323-325.

## Članstvo u stručnim tijelima Fakulteta islamskih nauka Univerziteta u Sarajevu

1. Član vijeća FIN-a (oktobar 2022. – danas).
2. Član Komisije za izradu normativnih akata (oktobar 2022. – danas).
3. Član Komisije za priznavanje ispita (oktobar 2022. – danas).
4. Član Komisije za odnose s medijima (oktobar 2022. – danas).
5. Član Komisije za pripremu i organizaciju programa „Uvod u izučavanje islama” (oktobar 2022. – danas).
6. Član trenerskog tima za pripremu članova debatnog kluba na arapskom jeziku (januar 2022. – danas).

## Stručno usavršavanje

1. Stručni seminar za nastavno i saradničko osoblje Fakulteta islamskih nauka Univerziteta u Sarajevu na temu: *Primjena inovativnih metoda rada u univerzitetskoj nastavi*, Fakultet islamskih nauka Univerziteta u Sarajevu (06. juni 2023.).
2. *Trening program za predavače arapskog jezika strancima*, Međunarodna akademija Kralj



- Selman za arapski jezik, Rijad, KSA (21-24. avgust 2022.).
3. *Specijalizirani trening program (Tehnologija i poučavanje arapskom kao drugom jeziku)*, Međunarodni centar Abdullah b. Abdulaziz za arapski jezik, Rijad, KSA (20-22. septembar 2020.).
  4. *TRAIN program (Training and Research for Academic Newcomers)*, Univerzitet u Sarajevu, Kampus UNSA, Sarajevo, BiH (03-29. septembar 2020.).
  5. *Certificate Course on International Humanitarian Law and Islamic Law Related to Armed Conflict*, ICRN i FIN, Sarajevo, BiH (26-27. septembar 2018.).
  6. *Podrška radu organizacionih jedinica Islamske zajednice za poslovnu i uspješnu administraciju*, Rijaset Islamske zajednice u BiH – Uprava za administrativne i pravne poslove, sarajevo, BiH (25-26. septembar 2017.).

#### **Nagrade i priznanja**

1. „Srebrna značka Univerziteta u Sarajevu”, priznanje za jednog od najboljih studenata prvog ciklusa studija Filozofskog fakulteta UNSA, Univerzitet u Sarajevu, novembar 2014.

#### **Učešće na naučnim skupovima**

1. *Predavači arapskog jezika u Šerijatskoj gimnaziji u Sarajevu (1918-1945.)*, konferencija: Ulema na Balkanu između dva svjetska rata, Institut za islamsku tradiciju Bošnjaka, Sarajevo, 08. novembar 2022.

### **MIŠLJENJE I PRIJEDLOG KOMISIJE**

Referirajući se na normative akte naznačene u Konkursu (Zakon o visokom obrazovanju – Službene novine Kantona Sarajevo, broj: 33/17 i Statut Univerziteta u Sarajevu, broj:01-1093-3-1/18 od 28. 11. 2018.), Komisija je ustanovila da Vedad Hurić, MA, kandidat za izbor u zvanje višeg asistenta u oblasti Filologija Kur'ana/Kur'anski i hadiski arapski jezik na Fakultetu islamskih nauka u Sarajevu, ispunjava sve uvjete predviđene procedurom vezanom za izbor: završio je II ciklus studija (magisterij) i proveo je jedan izborni period u zvanju asistenta tokom kojeg je objavio dva rada (od kojih je jedan koautorski) u užoj naučnoj oblasti




kojom se bavi. Osim toga, predano i angažovano je sudjelovao u nastavnim i odgojnim procesima na Fakultetu islamskih nauka u kojima je ispoljio stručnu kompetentnost i težnju ka daljem profiliranju i afirmaciji u oblasti za koju se bira, a redovno je učestvovao i u aktivnostima koje doprinose razvoju Fakulteta islamskih nauka i njegove nastavno-naučne djelatnosti.

Imajući u vidu sve izneseno, Komisija Vijeću Fakulteta islamskih nauka u Sarajevu jednoglasno predlaže da usvoji ovaj Izvještaj i podrži izbor Vedada Hurića, MA, u zvanje višeg asistenta za naučnu oblast Filologija Kur'ana/Kur'anski i hadiski arapski jezik.


Sarajevo, 17. 10. 2023. godine.

**Komisija:**

Prof. dr. Amrudin Hajrić, predsjednik



Prof. dr. Zehra Alispahić, član,



Prof. dr. Trnka Uzunović, član

